

BONERIANO®

EDITOR:
Bonaire Communication Services N.V.

Djaweps 6 yüli 2023

Preis: \$1.25

Mihó bai shelu ku
paña kibra ku bai
fièrnu bistu na seda

ABVO TA DAL BÈK!

Olga Emerenciana a hasi 90 aña di bida



Famianan a celebrá huntu ku Olga Emerenciana, kende a kumpli e bunita edat di 90 aña di bida. Pa e okashon famia a bai ku Olga misa i a laga pader Ranolfo Goneda, na parokia San Bernardo, resa i bendishoná Olga ku awa bendita. Un bunita misa i Olga a keda kontentu celebrando su fecha natal.



Telefòn for di klas

KRALENDIJK/DEN HAAG – Ministerio di Enseñansa ta bini ku un konseho urgente pa skolnan na Hulanda, den kua tin pará ku alumnunan no por tin telefòn mobil den klas, si akaso por tin motibunan spesial pa esaki. No ta bini un prohibishon legal, pero sí un liña di guia. Ta trata di tambe tablet i oloshi smart. Awor e pregunta ta surgi, e konseho aki tambe lo konta pa Boneiru? Den nos enseñansa nos ta mira e tendensia di sigui desaroyonan na Hulanda. Lógitamente no ta algu imposibel si nos skolnan tambe sigui e liña di pensamentu aki.

Ya pa algun luna den komunitat boneriano tin indikashon ku uso di telefòn serka alumnunan no tur bia ta algu positivo òf di stimu-

lá. Nos tin fuentenan indikando e tendensia di forma un grupo di whatsapp ku no ta aksesibel pa mayor, dosente òf otro adulto. Peliger di esaki ta, den e grupo di whatsapp aki fásilmente tentamentu, pues ‘bullying’ ta tuma lugá i ademas hopi bia ta reta otro pa kualke hazaña. P’esei na Hulanda ke bin ku un manera pa ofresé protekshon na e alumno. “Aunke ku ya telefòn mobil kasimente no ta indispensabel mas den nos bida, den klas nan no ta kuadra,” Dijkgraaf ta bisa. Den klas alumnunan messter por konsentrá i haña tur espasio pa siña. E ta haña ku telefòn mobil ta stroba e proseso di siñamentu. Nos mester protehá e alumnunan kontra esaki.

Skolnan mes tambe por



palabrá tokante reglanan eksakto i por skohe pa prohibí telefòn mobil na henter e skol, no solamente den klas. E organisashonnan di skol sí a primintí ku realmente nan ta bai ehekutá e konseho. E medida ta drenta na vigor entrante promé di yanüari 2024 i ta konta pa alumnunan den enseñansa avansá. Tokante skolnan básiko, awe ta tuma un deshion, pa MBO i universidat, e konseho urgente di Den Haag no ta konta.

Minister Dijkgraaf di enseñansa, un telefòn por drenta klas solamente sí tin motibunan médica, òf sí e uso mester ta pa lès, por ehempel abilidatnan digital, asina fuentenan ta confirmá serka AD.

Diskushon largu

E último lunanan a disikutí hopi tokante un prohibishon di telefòn smart den klas. Ekspertonan den diferente rapòrt a atvertí i den un seshon tokante e konsekvensianan dañino di uso di telefòn smart den klas.

Telefòn smart ta un adikshon pisá pa hóbenan i nan sesunan ta muchu tiki desaroyá pa ofresé resistensia na eksitashon, trel i zonido, tin pará den e

rapòrtnan científiko. Alumninan ku ta hopi riba nan telefòn hopi, ta skor promedio 1 te 1,5 punto mas abou durante test.

Nashonal promé

Den Tweede Kamer partido di Gobièrnu, CDA i partido di oposishon PVV, a urgi riba un prohibishon di telefòn mobil den klas, manera ya ta eksistí na entre otro Fransia di Suesia. Na promé instante Dijkgraaf i e minister di enseñansa ku a kaba baha, Wiersma, no tabata sinti mashá pa aktua.

Skolnan mes mester stipulá nan rumbo i hasi af-

sprak, nan ta haña, pa esaki nan ta profesionalmente suficiente pe.

E implementashon di un prohibishon nashonal lo dura tambe muchu largu, trahamentu di un lei ta dura por lo mémos tres aña i na Fransia a resultá ku kumpli ku un lei asina ta fèrfelu.

Tòg Wiersma na febrüari a disidí di bai papia ku e skolnan tokante e tema fèrfelu akí.

Pasobra dosentenan i mayornan tambe ketu bai ta bisa ku estorbo di telefòn mobil den klas ainda no tabata un mal idea.

Leo Josepha den Herensia

KRALENDIJK – Desde ayera mèrdia 12'or Leo Josepha ta riba pantaya di Bonaire.tv, papiando den Herensia tokante su bida. Leo tin 81 aña di edat. E ta un konosido predikadó katólico i alabes ta sana hende durante seshonnan ku e ta realisá na Kòrsou. E tabata na Boneiru resientemente i el a papia den Herensia.

Na tur a graba tres programa ku Leo. Den e

promé programa ku ta den aire for di ayera i ta ripití awe tardi 4'or i mañan djabièrnè pa 8'or di anochi, Leo ta konta di su infansia i hubentut. El a nase na Boneiru, den bario Antriol, pero komo hóben a bai biba na Kòrsou.

Leo ta habri un buki di e Boneiru i spesialmente den antaño. Hopi kos interesante e ta konta den Herensia.



Pronóstiko di tempu pa Boneiru



Djárason 05 te Djaweps 06 Yüli 2023

Parsialmente nublá i algun áwaseru

Ta parsialmente te hopi nublá i de bes en kuando lo tin algun áwaseru, ku un chèns chikí pa mal tempu i chèns pa ráfaga. E temperatura máximo lo ta aproksimadamente 33°C, e temperatura mínimo mas o mémos 27°C. Bientu for di direkshon ost, forsa 5 te 6, ku lo disminuí for di djaweps mainta te moderá te basta fuerte, forsa 4-5.

Altura di ola: aproksimadamente 2.0 m (5-7 pia), ku lo oumentá gradualmente te 2.5-3.0 m (7-9 pia)

* Altura di ola válido pa laman grandi

Popularitat ta relativo
P’esei un propio estilo
No solamente pa ta eksitoso
Sino sigur mas balioso

BròKèS 93.5 FM
pokopoko pero sigur mas i mas hende ta ...



Skuch’ é

Telefon/ WhatsApp +599 701 0935
www.radio935bonaire.com

ABVO TA DAL BEK!

KRALENDIJK- “Nos ta reta AFBW pa bin ku prueba di loke nan ta papia”, tabata palabranan basa fuerte di Robert Sances di sindikato ABVO. E ta reakshoná riba e artíku lo ku a sali anterior den BONERIANO ku e título ‘MAS SLA PA ABVO’.

Djamars 4 di yuni, AFBW a resultá ganadó di e referendum organisá pa mediadó pa trese klaridat tokante kua sindikato lo representá e personal di Telbo N.V. Un referendum ku segun ABVO no a kana segun regla p’esei nan lo kuminsá un asina yama ‘bodempro-

cedure’. Riba esaki Cherel Kwidama, como presidente di AFBW a desaprobá konduktá di ABVO. “A yega ora pa ABVO wak den spil i stòp di tira falta riba otro. Tur luna ta manda 30 mil dòler Kòrsou. Esaki ta sèn di miembro. Pone un hende sinta aki i solushoná problema di trahadó”, Kwidama a bisa. E palabranan aki a resultá un sumpiña grandi den wowo di ABVO.

Awor e sindikato ta eksigí pa Kwidama rektifiká su palabranan òf presentá prueba di e montante di 30 mil dòler ku supuestamente Boneiru ta manda Kòrsou. “Nan ta papia kos

sin kabes sin pia i skòmel den toko di tur hende”, Sances a agregá.

Klaramente por konklui ku ABVO su kana a yena i awor na un manera desidido ta reakshoná tantu riba e proseso di referendum como deklarashonnan hasí pa Kwidama. BONERIANO ta dispone di informashon ku ABVO a considerá e táktika di AFBW como no étiko pero nunka a sali den publisidat ku esaki. Mientrastantu nan a kuminá ku e ‘bodemprocedure’ kontra e proseso di referendum i ademas nan a entregá un keho na Representante di Reino kontra mediadó Anselmo Pontilius. Segun ABVO, AFBW básicamente ta prònk ku pluma di otro enbes di traha pa su propio logronan. “Nan no a sera niun CAO. Ni na Selibon pasombra esun ku nos a negoshá ainda ta vigente”, Sances a agregá. E ta referí na e Kontrato Kolektivo di Trabou (CAO) ku últimamente Selibon a firma ku AFBW. Si sigui e liña di pensamentu di ABVO, ta nifiká ku AFBW no a logra nada. “Manera mi a bira presidente, promé kos ku nan a skòmel den dje ta Bonlab. Sinku aña pasá nan a bai ku Bonlab te awe Bonlab ta den un inserti-dumbre kaminda nan no sa si nan ta sigui eksistí mes mas”, segun Sances.

Mester menshoná ku Selibon ta den trámite pa kumpra 3 trùk di shushi nobo nobo den promé kuartal di 2024. E proseso di produshon di e trùknan nobo lo dura mas o ménos 6 pa 8 luna. E trùk nobo lo wòrdu produsí pa kumpli ku e infrastruktura di Bonaire.

Komo tal nan no ta azeptá esaki. Banda di esaki nan ta haña falta di rèspect e manera ku mediadó i AFBW a aktua den henter e situashon.

Segun fuentenan di BONERIANO ku ta ligá na ABVO, e tenshon entre e dos sindikatonan ta oumentá. ABVO ta sinti ku AFBW su intenshon ta pa bira e úniko sindikato di Boneiru, lokual sigur lo ta un peliger mirando ku nan no tin suficiente recurso pa karga esaki. Tambe ku e echo ku ABVO a sali for di bou di paraplü di USIBO lo ta motibu di vengansa pa kibra ABVO. Tambe nos a comprendé ku den seno di ABVO ta kuestioná e pro-seder general di AFBW.

“Nos no ta kere den divishon. Nos ta kere den union. P’esei despues di desmantelashon di Antia nos a keda mantené ABVO uní. No tin ABVO Kòrsou i ABVO Boneiru. Ta un ABVO tin”, George Hernandez, presidente di ABVO a bisa. No opstante deklarashonnan di ABVO i informashonnan di nos fuentenan no por deskartá e echo ku e sindikato a pèrdè un kantidat signifikan te di miembro.

aLokual segun nos informashon ta pa motibu di e ‘Modus Operandus’ di AFBW. “Net promé ku finalisá palab rashonnan pa ku CAO, un hende ta bai kontra i trese broyo. Un persona ta influensia negativamente sobra”, nos fuente a splika.



Selibon reforsando fluho di trabou

KRALENDIJK- Djamars 4 di yuli kuater trùk di shushi kumprá na Aruba a yega nos isla.

Ta konosí ku e trùknan aktual di Selibon no ta den kondishon optimal pa kumpli ku e demanda di rekohementu shushi di kas. Mirando ku nos poblashon ta krese dia riamente, lògikamente e demanda pa rekohementu di shushi di kas tambe ta krese. Pues pa por aliviá e preshon aktual pa e trahadó den e departamento konserní, a disidí mien-

trastantu pa kumpra 4 trùk for di Servicio di Limpieza di Aruba (Serlimar)

E kilometrahe di e trùknan aki ta relativamente tiki i pa motibunan organisatorio nan ta for di servisio na e kompania. Ku kompra di e kuater trùknan for di Aruba, Selibon ta reforsá e fluho aktual i asina garantísá ku lo kumpli ku e servisio di rekohementu di shushi manera ta planifiká.

E trùknan lo bai den mantenshon riguroso promé ku nan sali riba kaya. Despues di mantenshon un

spesialista tékniko lo bin Boneiru pa duna instrukshon kompletu di funshonamentu i mantenshon tantu na shofür, peon i mekánikonan.

Mester menshoná ku Selibon ta den trámite pa kumpra 3 trùk di shushi nobo nobo den promé kuartal di 2024.

E proseso di produshon di e trùknan nobo lo dura mas o ménos 6 pa 8 luna. E trùk nobo lo wòrdu produsí pa kumpli ku e infrastruktura di Bonaire.



360 Cleaning

ta buska

un persona pa den limpieza

- mester ta un persona konfiabel,
- por traha den team i tambe su so.
- mester por papia hulandes òf papialementu òf ingles.

Si bo ta interesá por manda un i-mail na reservations@360bonaire.com

POLÍTIKA

M21 den Nort'i Saliña

KRALENDIJK— M21 den fin di siman tabatin su di dos evento di impakto sosial. Esaki tabata pa yuda limpia e bario di Nort'i Saliña.

A yena 1 kliko ku sushi i tambe algun saku. Bòter di serbes, bòter plat, kùp i bòter di plèstik, lensu di

papel i saku di plèstik ta entre e sushinan ku a piki. Meimei di esakinan a haña tambe piesa di outo i tambe stul bieu.

M21 a gradisi Selibon i sentro di bario Nort'i Saliña pa nan koperashon. E siguiente aktivitat lo ta na Rincon.



MPB na kaminda pa 10 año

KRALENDIJK

Riba 15 di dezember Movementu di Pueblo Boneriano, MPB, ta kumpli 10 año di eksistensia. Sin duda e partido a konosé bastante reto den e añanan ku a transkuri. Segun fundadó di e partido Elvis Tjin-Asjoe MPB a lanta debí na petishon di pueblo. "A tene un enkuesta na 2013 unda pueblo di Boneiru a duna di konosé ku nan ke algu nobo. Ora a puntra kiko na kiko ta ku algu nobo, a indiká ku ke lidernan nobo, i forma nobo di hasi política." Na yanüari 2014 a presentá e direktiva statuario na Hillside. A skohe Tjin-Asjoe como lider político na mart 2014. MPB a bai elekshon 2015 i a marka historia como partido nobo i gana elekshon. Despues a sigui añanan kaminda e partido a logra viktoria máksimo, pero tabata den oposishon. Den prome mitar di 2023, e partido a konosé un lider político nobo, Henlyson Thielman."MPB a `walk the talk`i a duna

pueblo loke el a pidi. Nos a logra hopi i mi ta kontentu ku MPB a forma lidernan ku awe ta profilá riba diferente área profeshonal di Boneiru.

Filosofia

E partido su filosofia ta basá riba 1 P i 3 R fundamental. Esakinan ta para pa pueblo, responsabilidat, rèspect i realidat.

Pueblo

E P di Pueblo, segun filosofia di e partido, ta pa sirbi pueblo i no pa e otro 4 otronan ku ta puesto, poder, plaka ñf prestigio.

Responsabilidat

Lidernan di MPB no ta hasi nada ku ta perhudiká interes di Boneiru. Semper ta tene kuenta ku interes a largo plaso di Boneiru. E ta sigui bisa ku como Boneiru mester kumpli semper

ku palabashonnan. No ta hasi promesa na pueblo ku no por kumpli kuné.

Rèspect

Trata e otro ku rèspect. E filosofia ta sigui bisa ku MPB ta trata su kontrinkante político nèchi. Aunque e kontrinkante político falta ku rèspect, MPB semper lo reakshoná skèrpi, pero na nivel.

Realidat

Den tur desihon ñf posishon ku lidernan di MPB tuma, ta tene kuenta ku loke ta alkansabel i realisabel. Ora no tene kuenta ku realidat, ta tuma desihonnan ku ta perhudiká Boneiru.

Pa e motibu aki MPB ta para pa bon relashon ku Hulanda, outonomia fleksibel, bon goberashon i politika sivilisá.



Wingcheung Supermarket

B.V.

ta buska

- all around medewerker

-mester tin eksperensi di trabou all around

Mas inf. tel. nr. **795-2115**

Candy Candy Supermarket

B.V.

ta buska

- maintenance

-mester tin mas ku 1 año eksperensi

Mas inf. tel. nr. **795-2115**

MADAM X



Batié ku sensia di kakabú

Madam X a lesa un artíkulo den BONERIANO tokante mal energia riba mi dushi Boneiru. Promé mi no a preokupá ku e kos ei. Pueblo kompleto sa ku mi amigu Bores kabes rondó gusta kos straño. E ta tene atenshon di hende ora e ta papia i skirbi di kuranderia, bruheria i tur loke ta mei mei shelu i tera. Awor el a bin topa ku e shon ku ta wak den bòl di kristal pa saka 'fo na unda e hendenan pèrdí ta. Ku mi dedenan bon primí mi a lesa e artíkulo, ni rosea duru mi no a hala. despues mi a lanta sera tur porta i bentana pa evitá e bientu malu drenta den mi bohio di pas. Direpente mi a kòrda ku ni awa bendita mi no tin mas. Normalmente ta e hòmber santu di Rincon sa duna mi awa bendita pero ta masha dia mi no a mir'e.

Awèl, miedu a pone mi yama mi amiga Norma di Kòrsou. Norma sa kon limpia energia, manera e mes ta bisa. Despues di un tiki pusha, pèrta mi a logra kumpra pasashi pa Norma. Ta manera un señal sobrenatural, ora Norma baha fo'i avion nubianan a hala bola dilanti solo i un sombra straño a tapa riba Boneiru. Den silensio ami i Norma a sintia den outo te na mi kas. Riba mesa mi a haña un karta di Henry ku a bisa "Mi tin algu urgente pa hasi, p'esei mi a bai". Kobarde, ta pa amor mi ta kuné pero e ta bon pida kobarde. Miedu di tur loke e no ta komprondé.

Sintá den mi hamaka den mi pòrch mi a mira Norma ta kana bin ku un saku maron den su man. E tabata tene e saku meskos ku un mama ta tene su yu resien nasí. Ta ko'i kibra e tin ei den?

Poko poko el a habri e saku. "E energia riba Boneiru aki ta ku sensia di kakabú so por kore kuné. No por otro", Norma a bisa. Kada palabra el a pronunciá poko poko. Mi no a wòri, yu di Kòrsou gusta na sensia di kakabú. Esei ta fo'i chikí mi a lanta tende.

Mi lesadónan, no husga Madam X. Boso sa ku mi ta hende kremente i mi a kai na rudia pa hasi orashon p'e energia malu bai. Pero mi a nota ku e energia straño ei ta potente, ta influensia hendenan. Hendenan na tinu ta manera pèrdè kabes. Boso mes sa hendenan x,y, z ta hasi kos ku ni wambimba lo pensa na hasi. Kosnan straño ta sosodé.

Ta kon otro mi por splika algun suseso riba mi dushi tera? Mi gran amigu intelectual a drecha su maleta i bai tera friu sin bira wak su bestianan na kas. Ta kiko a pasa mi amigu? Mi sa kuantu e stima su bestianan, a duel e masha pisá ora su kachónan no a haña visa pa drenta Aland. Fin aña e pobersitu a traha video kon e ta kuida bestia kontra vürwérk. Mi a rabia ora su tio a insinuá ku ta awa di èrko su kachónan ta bebe. Den spantu mi a keda pasombra awor ku e ta na Hulanda ni awa di èrko e bestianan no ta haña. Mi amigu ta kome Haring na Hulanda i su bestianan ta muri di hamber? Esaki no porta. Ta rasgo di e energia ku e hòmber ku ta mira mas ayá a spièrtanos di dje. Asina a sosodé ku e kachónan di mi amigu no tabatin kuminda, ni awa ni lugá pa skonde solo. E pober bestianan, nan a bira refugiado den nan propio kurá. Tonchi ku sa kana trein ei banda a èp mi mesora. Boso sa kon Tonchi gusta un bon boka di redu. Tonchi a bisa mi ku bisiñanan a yama polis i 'dierenbescherming'. E salbadó di kachó di M21 a tende di e suseso i pió ku 24ora.com el a kore yega na e sitio. Aki el a trata na bula den e kura pa salba e bestianan refugiado pero el a dal abou. Te ku e dia di awe e pober hòmber ta kana kokochá. Mi a trata na yama mi amigu na tera friu pa sa kiko a bai robes. Pero di niun manera mi no por haña kontakto. Kisas su number a bai di 78 pa 06?

Programanan di Bonaire.tv

TELBO kanal 70
Flamingo TV kanal 23

Djaweps 6 yüli 2023

12.00 Aktualidat:	Marlon Bermudez
13.00 Aki Boneiru:	Machi i Pachi Kultural Vila Antonia 2018
14.40 Herensia Korsou:	Juan Martina
16.00 Herensia:	Leo Josepha 1
17.00 Aki Boneiru:	Dia di Den Gobi, Rincon 2018
18.00 Herensia:	Norman Aguedo Lourens
19.00 BAPA:	Miralda Paula Frans
20.00 Herensia:	Brida Manuel
21.00 Aki Boneiru:	Chapi di Lucha 2018
22.00 Herensia Korsou:	Idis Doran-Walle
23.00 BAPA:	Joaquin Vasquez

Tur mèrdia 12'or ta kuminsá un programashon nobo di 4 ora.
E programashon aki ta ripítí pa 24:00.



BIBA UN BIDA KU TA DUNA FRUTA

"Ma fruta di e Spiritu ta amor, goso, pas, pasensihi, kariño, bondat, fieldat, mansedumbre, dominio propio; kontra kosnan asina no tin lei." Galationan 5:22,23(BS)

Semper despues di temporada di áwaseru ta un goso i alegría pa mira resultado di esaki den e matanan; nos por disfrutá di nan fruta i tambe nan bunita flor. Áwaseru solamente no ta duna e bunita resultado akí, nos mester duna nan kuido i kariño tambe; e kombinashon ta laga nan krese i duna fruta.

Igualmente den nos bida kristian diario, ora ku nos ta tuma tempu pa skrudiñá i bai mas profundo den Dios Su Palabra i hasi nos máximo esfuerzo pa e fruta di Spiritu Santu ta visibel den nos bida; nos lo nota kambionan den nos bida. Nos lo ta di bendishon i enkurashamentu pa un otro persona i asina huntu nos por sigui duna mas fruta. E bida spiritual ta un bida bibu i aktivo; kontinuamente nos bidanan mester ta reflehá e fruta di amor, goso, pas, pasensihi, kariño, bondat, fieldat, mansedumbre i dominio propio!

E matanan ta haña áwaseru sierto temporada so, ma nos bida spiritual por duna fruta kontinuo si e ta guía kontinuamente pa e Spiritu Santu. 'Ma mi ta bisa, kana segun e Spiritu, i boso lo no kumpli ku deseó di e karni.' Galationan 5:16(BS)

Bida spiritual ta bibu i aktivo!

Gilda Beukenboom-Sintjago
Produkshon PGM

Panel solar no deseabel riba kas

KRALENDIJK – Lo no stimulá partikularnan na Karibe Hulandes pa kumpra panel solar. Gabinete, asina Minister di Klima i Energia, Rob Jetten, ta skirbi den un karta na Tweede Kamer, ta duna preferensia na generashon sentral di energia riba e islanaan.

“Desentralisashon di durabilitat manera panel solar riba dak di kas, ta mas karu ku den ponementu di durabilitat sentral, segun

e empresanan potensial di utilidat, ta trese e stabilitat di e ret den peliger i ta den desbentaha di prinsipalmente famianan ku no por invertí den produkshon di elektrisidad desentralisá,” e minister ta skirbi.

Bou di e aktual regulashon generashon desentralisá ta posibel pa propio uso, pero no ta stimulá aktivamente. E gobièrnunan lokal i kompanianan di utilidat por haña nan mes

den un kontinuashon di e reglanan aktual i e gabinete dor di esaki a disidí tambe pa sigui hasi investigashon

mas aleu, segun Jetten.

Jetten den su karta ta indicá na Hulanda netamente ta kurashá kompra di panel

solar dor di partikular dor di hasi esakinan liber di e BTW di 21 porshento usual.



Akshon pa prevení i protehá kontra dengue

Pa prevení dengue i otro malesanan transmití pa sangura, ta importante pa komunitat huntu ku instansianan kuminsá na redusí kantidat di sangura adulto ku tin. Por hasi esaki den di diferente forma.

Deshasí òf warda tur opheto ku por retené awa innesesariamente paden i rònt di kas, skol i trabou. Por ehèmpel skòter bou mata, tayer, ko'i hunga pafó, vas ku mata òf flor .Ta konseqüencia tambe pa tapa tur awa pará ku tin propósito manera e.o pa muha mata òf duna bestia

E akshonnan aki i otronan ta nesesario pa por disminuí e oportunidad pa e sangura adulto por pone

su webunan i asina redusí e kantidat di sanguranan ku ta brui. Mas redusí e kantidat di sangura, mas chikí e rísiko ta bira di un brote di kasonan di dengue.Tambe kada siudadano por prevení di haña dengue dor di bistí paña ku man i pia largu durante oranan di atardi pa anochi. Uza repellente kontra sangura sino ta bistí paña ku man i pia largu. Pafó di kas por uza bela kontra sangura.

Rekomendabel ta tambe sera porta i bentana di kas promé ku bira skur i evitá di bishitá áreanan undata konsiente ku tin hopi sangura. Spùit paden di kas, kambar i ofisina ku produkto di mata sangura.



VACANCY Marketing Coordinator

Are you a creative and results-driven marketer with a passion for the hospitality industry? Join our dynamic team as a Marketing coordinator and make an impact on our brand presence and revenue growth. As our Marketing coordinator, you will have the opportunity to show your strategic thinking, innovative ideas, and drive our marketing initiatives to new levels. With your high energy, enthusiasm, and commitment to quality, you will play a crucial role in attracting guests, promoting our Resort, and enhancing the overall guest experience. Join us and be part of a team that values creativity, collaboration, and dedication!

Key Responsibilities:

- * Develop and implement strategic marketing plans to drive brand awareness and revenue growth
- * Create digital marketing campaigns, including improving our rankings, email marketing, and social media
- * Manage the creation and execution of captivating content for various marketing channels
- * Conduct market research and analyze consumer trends to identify new opportunities
- * Collaborate with internal/external teams to ensure consistent brand messaging and alignment
- * Stay updated on industry trends and competitor activities to maintain a competitive edge
- * Keeps management informed by submitting activity and results reports, such as call reports, weekly work plans, and monthly and annual territory analyses.

Qualifications:

- * Preferable HAVO /VWO or a degree in Marketing, or a related field or equivalent experience
- * Experience in the hospitality industry is a plus
- * Knowledge of digital marketing strategies and tactics
- * Analytical and problem-solving skills
- * Excellent written and verbal communication abilities
- * Creative mindset with an eye for design and branding
- * Knowledge of marketing software and analytics tools
- * Ability to collaborate effectively with cross-functional teams

To apply or for more information, please send an email to hr@habitatbonaire.com

Jowe Solutions
ta buska
- 2 lasser
790-8403

Mas inf. tel. nr.

Idea Supermarket
ta buska
- all around medewerker
-mester tin eksperensia di trabou all around
Mas inf. tel. nr. **795-2115**

Tim di promoshon di 'Guana Chat' den akshon na skolnan na Boneiru

KRALENDIJK -- Den último simannan, e tim di promoshon di Guana Chat a bishitá tur skol primario pa informá e alumnunan tokante Guana Chat. Guana Chat ta un liña telefónico di yudansa pa tur mucha i hóben di Boneiru entre 8 i 21 año. Yamadanan di Guana Chat ta grátis i anónimo. Muchanan por yama Guana

Chat pa papia riba tur sorto di tema.

E liña di yudansa di Guana Chat ta un kolaborashon entre e ministerionan di Salubridat, Bienestar i Deporte (VWS) i Asuntunan Interno i Relashonnan den Reino (BZK), e entidatnan público BES i e telefòn pa mucha na Aruba ('Telefòn pa Hubentud').

E mèntòrnan ku ta ri-sibí e yamadanan ta boluntarionan entrená na Aruba, unda e telefòn pa hubentut ta eksistí pa 25 año kaba. Pues nan no konosé nos hóbennan i asina ta garantísá anonimidad di e hóbennan ku ta yama. E mèntòrnan aki di Aruba ta papia 4 idioma. E kordinadornan di prevenshon di Sentro Ak-

seso Boneiru a duna nan informashon kultural amplio tokante, entre otro, edukashon i tradishon di Boneiru. Hóbennan por aserká Guana Chat ku tur pregunta, reto i problema. Of pa tene un kombersashon!

Sekretario di Estado Van Ooijen (VWS): "Ta bunita ku e liña di yudansa ta disponibel na tur e islana Hulandes Karibense. Ta hopi importante pa mucha i hóben tin un lugá ku e por aserká ku su preokupashonnan i preguntanan. Tin bi-aha un orea ku ta skucha ta bini ora bo yam'é".

E number grátis 918 ta disponibel tur dia for di 2'or pa 6'or di atardi. Riba e wèpsait www.guana-chat918.com bo por haña mas informashon tokante e liña di yudansa i e diferente tópicos ku mucha i hóben ke papia tokante di dje. E tim di promoshon di Sentro Akseso Boneiru i ZJCN a bishitá gruponan 5 te 8 di e skolnan primario den e último simannan pa informá e muchanan

tokante e liña di yudansa i e wèpsait na unda nan por haña mas informashon.

E mayornan a risibí un karta via skol ku informashon tokante e liña di yudansa aki. E number di telefòn grátis ta disponibel pa numbernan Boneriano di Digicel i Flow. Klientenan di otro ret di telefòn no por hasi uso di e servisio grátis aki ainda. Nan lo djòin na un otro momentu.

Dia 8 di yüli, Guana Chat lo partisipá na e even-to di Buki di Prèt di Sentro Akseso Boneiru. E evento aki pa muchanan di skol pri-mario ta na Sentro di Bario Tera Kòrá i tin stènt tokante salubridat ku wega, show i hopi mas. Guana Chat lo ta presente ku un bòrchi di potrèt, informashon i ya-bero pa parti. E hóbennan huntu ku e tim di promoshon por yama ku Guana Chat pa un promé kom bersashon riba un tópico ku nan mes por skohe. E evento lo tuma lugá for di 3'or pa 5'or di atardi riba djasabra 8 di yüli.



Serka hóbennan

Preokupashon pa uso ekstensivo píldora di doló

KRALENDIJK/HU-LANDA – E kantidat di notifikasi di hóben di 13 te 17 año ku konsientemente ta tuma sobredósis di remedi, a subi fuertemente e dos último añanan. Esaki Nacionaal Vergiftigingen Informatie Centrum (NVIC), ta informá. Ta trata di prin-sipalmente paracetamol i ibuprofen, ku durante e sobredósis por okashoná daño na salú.

E kantidat di notifikasi pa hopi año tabata entre mil i 1150. Na 2021 esaki a subi te na 1512 notifikasi i año pasá esaki tabata 1439. E ouemento ta mas haltu bou di mucha muhé entre 13 i 15 año. NVIC ta preokupá tokante

e sifranan haltu i ta bai hasi mas investigashon.

Tinernan ta tuma hopi píldora na mes momentu, e hefe di NVIC Profesor Dylan de Lange, ta bisa. Tin biá te asta 50 of 100 pa biá. P'esei nos sa tambe ku esaki ta tuma lugá konsi-entemente. Niun hende ta bisa ku e tin doló di kabes i ta tuma shen píldora. Esei ta hopi straño.

No ta kla

Tumamentu di kantidat grandi di píldora na mes momentu por kondusí na daño serio. Un sobredósis por hasi daño na nir i higra, den sierto kasos te asta mortal. Normalmente bisá, e higra ta kibra paracetamol i

parti esaki, de Lange ta sp-liká. "Momentu ku bo tuma asina tantu, e eliminashon ta minimalisá i finalmente por kondusí na daño na higra. Pues e higra pokopoko ta haña daño.

Dikon e hóbennan ta hasi esaki, ta keda un interogante, de Lange ta bisa. Debí na e ouemento na 2021, NVIC na kada notifikasi telefónico na 2022 a hasi pregunta adishonal tokante e motibu di e intokikashon.

"Nos ta pensa ku nos tin di aber ku un ouemento di bienestar síkiko serka tinernan, pero esaki ainda nos no sa sigur," e ta bisa relashoná ku e preguntanan hasí. Nos no ta haña un kontesta

kla dikon nan a hasié.

Trabou pa mayor

De Lange ta sospechá ku ta tuma e píldoranan im-pulsivo. Nos ta ripará ku e medionan akí ta den kas. E ta sugirí ku e tinernan ta usa loke nan tin e momentu ei. Gewon deliberadamente e no ta un plan nèchi elaborá.

E sobredósis no tur biá ke bisa ku e mucha ke muri, pero sí ta un señal ku algu

no ta bai bon, un sikiatra di mucha kende tabata enbolbí ku e investigashon na e salú mental di hóbennan, ta bisa

De Lange ta hasi un yama-na mayornan pa dren-ta kombersashon ku nan yunan. Nos solamente por atvertí. Skonde e píldoranan akí no ta yuda, esaki ta traha hopi bon pa mucha chikitu, pero no mas serka tiner. Eseinan ta basta grandi suficiente pa haña nan.



NOS FAMIANAN BONERIANO

(14)

Investigashon: drs. John Schermer
Kompilashon: Boi Antoin



Ta importante i interesante pa sa di unda nos a bini. Ken tabata nos antepasadoan? Den un seri di artíkulo BONERIANO ta iluminá orígen di famianan boneriano, basá riba un estudio hasí pa drs. John Schermer durante e periodo di 1993 te 2006. Despues el a pone resultado di su investigashon riba e wèpsait [www.bonairefamily.com](http://bonairefamily.com)

Famia Marsera

Famia Marsera, bon konosí den e bario Rincon, tambe ta un famia ku tin su raisnan fuerte na e kontinente afrikano, for di unda West Indische Compagnie a trese e promé afrikananonan sklabisá. E famia aki, kontrario na loke hopi den e desendientenan ta pensa,

originalmente Marsera i no Mercera. Awendia mayoria di e desendientenan di e promé Marsera ta karga e fam Mercera. Ta solamente den un famia e fam Marsera a keda te awe, ku ta por ehèmpel Arie Marsera i su rumannan Edith Strauss-Marsera, Dolores Hellmeijer-Marsera i nan ruman-

nan.

E promé Marsera ku ta aparesé riba e lista di inventario di katibunan di WIC a nase na 1758. Su yunan tabata:

1778 – Bartholomeus
1781 – Dionies
1784 – Juana
1787 – Jean Paul
1799 – Anthony
Detayenan adishonal ta ku Juana Marsera

van 1700 tot 1800
SLAVEN VAN DE W.I.C. TE BONAIRE MET AFRIKAANSE NAMEN

nummer	notitie	geboren naam	notities
1		1660 angewa	oud en aff, bomba
2		1670 solieba (chieba)	
3		1670 masienga	oud, onbekwaam
4		1670 sibbe	oud en onbekwaam, fontein
5		1680 maay	
6		1680 kokoroko barigon	oud, schapenwagter bij sero moreno
7		1680 mabiela makoенje	
8		1680 kokonoko saliena	oud, zout vegaren
9		1680 puntie	oud, aff, zwaar, schapenwagter bij jan simbelis
10		1680 badda	zonder dienst
11		1680 sissoe	aff, water, gras, brandhout
12		1680 servina (kibomba)	oud en aff
13		1680 lowies kibomba (biego)	
14		1680 markita	oud, hoenderwachtster
15	2e	1680 manuel madda	oud
16		1680 jannie aff dommoe	2e groep
17		1680 simbattie	gebroken
18	2e	1680 ammauw	blind, oud, onbekw
19		1680 jessue	oud, coolbrander bij jan gijssels
20		1681 solieba lak	
21		1682 sebel (dolloe)	oud, waterhaler bij de kapitein der indianen
22		1683 dommoe	oud en aff, creool
23		1683 diossoe	
24		1686 mabiale congo	
25		1686 zesoe (sissoe)	bomba
26		1688 pano	oud, oud
27		1689 simbatti barigon	oud en gebrooken
28		1689 lucia bombaas wijf	
29		1690 mabiale singaal	
30		1690 bastiaan molengo	oud
31		1692 bongo	
32		1692 mafongo	oud, gebroken
33		1697 zetoenoe (sittentoe)	te fontein in 1760, oud
34		1700 chiba (zygo) (francisco?)	oud, aff in 1760
35		1700 macosje	met een oog
36		1700 sebel (van mafongo)	oud en aff, singel
37		1700 bariga (barika) van bonaire	
38		1701 juantie boey	
39	2e	1702 luis bomba	oud, vrij in 1769
40	creool	1714 maloekie samba	onder commando van de ruyters in 1760
41		1714 mabiela janga	
42		1722 doenne	

a kasa ku Albertus Samuel Eybrechts, ku den siglo pasá tabata un famia konosí den Nikiboko. Su ruman hòmber Anthony a kasa ku Leonora Cicilia.

Amimba

Un nòmber ku tambe ta mustra bon kla direkshon di Afrika ta Amimba. Ta un fam ku no ta eksistí mas na Boneiru. El a bai pèrdí atrabes di tempu.

E promé Amimba (hende muhé) a nase na 1757 i tabata un katibu

ku WIC a kumpra serka un tal Clerk na 1777. Su tres yunan tabata: 1778 – Juan Anthony 1779 – Juana Theresa 1787 – Juana Cathalina

Mas aleu por topa tambe den e promé famianan katibu di WIC Ketula, nasé na 1760, kumprá pa WIC serka un persona deskonosí. Yunan di Ketula tabata: 1780 – Juan Augustin 1785 – Juan Paul Lista di katibunan di WIC ku nòmber afrikano.


Desendientenan di Marsera.



Cipriano Simion Mercera



Aurelia Albina Mercera




Geronimo Valentino
Mercera



Francisco E. Mercera



Alfredo Elgelberto
Mercera



Anselmo Fortunato
Mercera

Promé Festival di Lora libertido i edukativo

KRALENDIJK -- Fundashon Echo a organisá e promé Festival di Lora dia 17 di yüni. E festival tabata un evento interaktivo ku aktividatnan libertido i edukativo pa henter famia, manera workshop di kulinaria natural i agrikultura.

Durante e festival, Echo a celebrá naturalesa i kultura di Boneiru. Echo a ofresé artistanan lokal e oportunidad pa eksponé i bende nan obranan di arte na Jong Bonaire. E marshe kultural tabata ofresé un

variedad di snék lokal, bebiда, mata kultivá lokalmente i otro produktonan lokal. Pa e mucha tabatin un skina di mucha ku wega di mucha i pinta kara.

Echo ke siña hóben di Boneiru di e naturalesa bunita di nos isla di un manera kreativo. Pa e motibú ei Echo a organisá un kompetensia di klùr pa e skolnan básiko di Boneiru. E plachi klùr ta un diseño di e artista lokal Ghislaine Monte.

Den e evaluashon, a

analísá sí a usa e kolónan korekto di lora. E kontestanan di e kues tambe ta inklui den e evaluashon. A skohe dos ganadó pa kada skol.

E entrega di premio a tuma lugá durante e festival. E maskota di Echo, Monty, a hiba e premio personalmente pa hóbennan ku no por a bishitá e festival.

E promé edishon di Festival di Lora tabata un éxito. E siguiente Festival di Lora ta tuma lugá yanüari 2024.



Tur Tur/Seru Buté na Kòrsou

Hopi hende di Boneiru a bai Kòrsou pa celebrá huntu ku kurasoleñonan Dia di Bandera. Grupo di hende ku motosaikel, otronan pa deporte, topa famia i mas. Tur Tur/Seru Buté, ta algun amigu di Kòrsou i Boneiru, ku a topa wikènt pasá na Kòrsou. Nan tabata na e aktividad di motosaikel organisá pa Easy Riders Curaçao.



Bulamentu di kandela na Hulanda

KRALENDIJK – E tim di Rincolanda a organisá un tremendo bulamento di kandela na Hulanda resientemente. Grupo Bachí Bachí a animá e ambiente pa e hendenan disfrutá di e anochi.

E grupo di Rincolanda tabata bon uniformá, manera semper ta e kasó, durante aktividatnan.

Normalmente nan tabata organisá e aktividad na Bosvreugd, pero e año akí a opta pa un otro sitio.

Awor ta di sinku biá ku tur año a organisá e aktividad. E idea ta pa sigui organisá e evento di bulamento di kandela, den temporada di fiesta di San Juan i pa e sigui krese.



Bonerianonan a impreshoná na Kòrsou

KRALENDIJK -- Palu Grandi, enkabesá pa Luis Moka, a duna un tremendo presentashon na Kòrsou durante e wiken selebrashon di Dia di Bandera. E aktividad a tuma lugá Den Bònt na Steenrijk.

Fundashon Bisiñanan Kontentu den Bònt, a organisá e evento. Rincon Boyz, e grupo di Boneriano bibá na Aruba, a sera e anochi ku mûsika krioyo

Boneriano.

Ámbos grupo a pèrkurá pa tremendo ambiente na Kòrsou, djis pegá ku Misa di Steenrijk. Un kantidat di Boneriano a sostené e mûsikonan durante e anochi. Notabel ta e Boneriano tabata mas tantu ku e yu di Kòrsou na e sitio bailando.

Luis Moka a kanta tambe ku Rincon Boys i sigur hendenan a gusta su presentashon.

E organisadónan por mira bék riba un tremendo aktividad organisá na e sitio yená ku hende. Ta un kaya kaminda tin kasnan di famia i huntu nan ta organisá e aktividad, tur aña riba Dia di Bandera.

Aparte di e sitio, tabatin mas grupo di Boneriano ku a presentá na Kòrsou i a buta bon ambiente.

Potrét ta ilustrá un parti di e ambiente Den Bònt.



International Desk ta selebrá promé aña

KRALENDIJK -- Dia promé di yuli 2022 a lanta International Desk (IDB) bou di Gabinete di Gezaghebber. IDB ta fungi komo e brûg entre Boneiru i Union Oropeo. IDB ta orguyoso ku durante e promé aña a logra proyektonan bunita pa benefisiá nos isla.

IDB ta ofresé tur esnan bibando na Boneiru akseso na informashon tokante fondonan di Union Oropeo i di Nashonnan Uní ku komo isla ta bini na remarke pe.

IDB ta apoyá su kolaboradónan for di komienso, durante i te na final di kada un di nan proyekto i ta kolaborá ku eskritornan pa guia organisashonnan lokal ku skribimentu di nan proyekto. Di e manera aki IDB eksitosamente a organisá tayer di skribimentu di proyekto pa eskritornan di proyekto lokal.

Un di e programanan di mas remarkabel ku nos isla tin e honor pa kolaborá aden, ta Resilience, Sustainable Energy and Marine Biodiversity Programme (RESEMBID). Durante e promé aña di IDB a kolaborá huntu ku STINAPA ku nan proyekto di RESEMBID na Bahia di Lac di un balor di

750 mil euro. Tambe por menshoná ku RESEMBID a finansiá un rapòrt di Werelbank ku e tema di límite di kambionan aseptabel i kapasidat di akohida pa Boneiru. Den e rapòrt aki ta indiká na ki manera Boneiru por desaroyá su futuro na un manera mas sostenibel.

IDB ta orguyoso di a organisá un 'site event' den kolaborashon ku Kòrsou, durante e prestigioso konferensia di maneho di awa organisá pa Nashonnan Uní, pa tur isla ront mundu ku ta pertenesé na pais i teritorionan ultramar, pa kompartí nan reto i práktikanan riba tereno di maneho di awa.

Sin laga afó, IDB ta orguyoso di por a representá Boneiru durante e último aña den persona di dos hóbens Michélin Padmore i Mitch de Palm, como parti di Overseas Countries and Territories Youth Network (OCT-YN). Esaki ta un grupo di hóbens di tur parti mundu ku ta representá nan isla na Union Oropeo.



Invitado di BZK na 160 aña abolishon di sklabitut

Maria Liberia-Peters a kapta hopi atenshon

KRALENDIJK/AMSTERDAM – Maria Liberia-Peters, un dje políticonan antiano di mas konosí i renombrá tur tempu, a risibí invitashon pa a asistí djasabra último na e evento grandi pa konmemorá 60 aña di

abolishon di sklabitut. Maria a kapta hopi atenshon na e okashon ei. Yen di hende kier a saka su foto i asta saka foto huntu kuné.

No opstante su edat respetá di 82 aña, Maria Liberia ta ‘still going strong’,

manera nan ta bisa na inglés. El a keda e Maria di semper, dunando atenshon na e hende. Un palabra di kariño pa tur hende.

Manera ta konosí, Maria tabata pertenesé na Partido Nashonal di Pueblo, partido

ku el a dirigí tambe pa hopi aña, despues di lidernan manera Lucina da Costa Gomez i Juancho Everts. Maria tabata promé minister di Antia Hulandes di 1984 pa 1986 i di 1988 te 1994. Asina tambe el a bai den historia como e promé minister femenino ku a keda mas den e funshon aki na anterior Antia Hulandes.

Maria Liberia-Peters su tata James Louis Peters tabata prosedente di St. Maarten i su mama Mabel Albertina-Hassell for di Saba. El a studia como maestra di skol na Hulanda. Despues el a kasa ku Niels Liberia. Nan a adoptá dos yu.

Liberia-Peters pa kasualidat a haña su mes den política. Banda di su trabou real den enseñansa e tabata embolbí den asuntunan di

hubentut. El a haña ku su entrada den política tabata e único manera pa realisá kambionan real den pais.

Su kaminda den política a kuminsá den añanan setenta di siglo pasá, momentu ku el a lanta un grupo di hende grandi, pa despues a bira miembro di Partido Nashonal. Enkurashá pa otronan el a logra konki-stá un asiento den Konseo Insular di Kòrsou. Sinku aña Maria Liberia-Peters a manté asiento aki,

Na 1982 Maria Liberia a keda nombrá den Staten di Antia Hulandes. Despues el a bira minister di Asuntunan Ekónomico. Despues ku e koalishon ei a kai na 1984 el a forma un koalishon nobo ku e mes como promé minister, ku tambe a kai dia 25 di novèmber 1993.



Kambio den direktiva Fundashon Alzheimer

KRALENDIJK – Durante aña 2020 Fundashon Alzheimer Boneiru tabatin algun kambio den e direktiva, Merry Ottenhof-Coffie a drenta direktiva den e funshon di sekretaria pa yena e vakatura originá dor di

retiru di Marlene Makaai, kende ke a fungi como voluntario di e fundashon.

E direktiva, ku ta consistí di boluntario, ta tene reunion mensualmente, riba e di dos djamars di luna, tanten ku e medidianan debí na Covid-19 a permití.

Desde mei 2021 e direktiva ta hasi uso grátis di e sala di reunion di Zorg en Welzijn Groep na Kaya Irlandia 6, pa kua direktiva ta agrade-sidu.



Direktiva di Fundashon Alzheimer Boneiru, Evert Piar, presidente, Henna Winklaar, vise presidente, Merry Ottenhof-Coffie, secretaria, Indra Sedney, tesorera, Maria Frans-Schermer i Gerladine Dammers, miembro di direktiva, Dr. Adrienn Valeria Vegh, miembro di direktiva médica.



DEN PASONAN DI BÒI

E rúbrika aki no ta kos di tur dia den BONERIANO. Ta ora mi tin tempu, gana i tópiko pa skirbi ariba e ta sali. E tres elementonan aki ta hunga un ròl den salimentu di e rúbrika aki. E ta mas tantu un kos pa tene mi okupá, pa no lubidá e arte di skirbimentu. Tene tambe e dedenan fleksibel. Tene e tinu bei, purba pa no kai den ripitishon.

Un dje motibunan ku m'a disidí di asepta e invitashon di ministerio di BZK, Asuntunán Interior, bou di kua Relashonnan di Reino ta kai, pa asistí na konmemorashon abolishon di sklabitut, tabata tambe pa eksperensiá despues di masoménos 13 aña un biahe ku avion pa Hulanda. E último okashon ku m'a bai

Hulanda tabata na 2009, en konekshon ku preparashonan pa yega 10 di òktober 2010. M'a tene charla na Hulanda, ademas partisipá den programanan di radio huntu ku Gilbert Wawoe, tokante e kambionan di struktura estatal tabata na kamina. Despues di e aña 2019 ei Hulanda no a mira mi kara mas.

Promé ku 2009 mi a bai Hulanda, sin gaña, alrededor di 30 biá. Mi tabata gusta bai Hulanda riba mi mes pa fakansi, pero na sigur kuater okashon tambe pa partisipá na 5Daagse di Nijmegen. Tempu ku Air Aruba tabata eksistí m'a bai Aruba asta kuater biá den un aña. Mi ruman muhé Nonoi tabata



Avion Airbus ku kua m'a biaha djaweps pa Hulanda, Djaluna mi tabata bèk kaba. E buelo di mas kòrtiku ku m'a yega di hasi na tera friu.

okupá un funshon haultu na Air Aruba. Komo su ruman, i mi otro rumannan, por a haña un ticket pa solamente 200 florin. Di mes mi a pasa lente, zomer, herst i winter na Hulanda.

Na kantidat di okashon, te yega trinta, mi a sigui bai Hulanda, hopi biá komo invitado pa sierro aktividadnan ofisial, manera pa risibí Zilveren Anjer, partisipashon komo outor na e aktividad literario Winternachten, invitashon komo prensa pa buelo inougrual di KLM, eksposhon di 'Los Gigantes', invitashon en konekshon ku ICH UNESCO, AWAD (Atlantic World and the Dutch) etc.

Loke a pone mi abortá mi biahenan pa Hulanda despues di 2009 ta e trastorno, kalvario, di sinta oranan den avion. M'a pensa den mi so, na momentu di risibí e invitashon pa bai e konmemorashon di 160 Aña Abolishon di Sklabitut, pa bai'e tòg. Asina m'a bai i mi mester bissa ku e buelo pa bai i di regreso a bai sublime. Pues lo mi por sigui bai. Mi ta sigur ku esaki lo hasi mi ruman muhé bibá na Haarlem, Violeta, kontentu. Anke ku mi no a logra yega serka dje e wikènt ku a pasa.

E buelo ta keda largu, pero m'a ripará ku e avionnan Airbus ku kua KLM ta bulando

awor pa Boneiru ta bula bon. M'a splika mi yu hòmber mayó Franklin esaki tambe. El a bisa ku ta bérdat, pero ta dependé unda bo sintia. Mas dilanti ta mas mihó. Sintamentu patras sí no ta den agradabel. No tabatin chèns pa e splika mi mas detaye.


Ta un sensashon pa realisá ku tantu Franklin, Danny komo nan amigu di infansia Timothy Vaseur, ta bulando awendia e avionnan ku ántes a bula e ruta di Amsterdam pa Boneiru. Kasi mi no por kere. Muchanan ku a lanta huntu ku mi i ku awor, a base di trabou duru i hopi pasenши, ta bula MD11, ku ántes KLM a usa den su operashon pa nos islanan.

Por ripará na Hulanda ku tin hopi posibilidat awor pa haña fondo pa realisá proyekto, den kuadro di e aña di abolishon di sklabitut. Tin un idea ta brui kaba den mi kabes pa bai hasi un tour na Hulanda pa graba hende pa Herensia. Keda dos pa tres siman asina i graba bai. Mi a yega di hasi algu asina den pasado. Mi ta kere ku nos lo por graba sigur 4 programa asina pa dia. Pues regresá ku sigur 60 grabashon asina. Mi ta bai pidi Emma i Anneke pa traha ariba. Boso lo tende.

MONCHI & TONCHI

Tonchi, ba tende dje vrum vrum ku BC tei muda?

Awèl si, nan a pidi e bisiña duna nan pokó 'speed' pa traha.



KOLOFÓN

Editor: Bonaire Communication Services N.V.
Kaya Irlanda 12,
Tel. 717-8482

Redakshon: extrabon@gmail.com
aviso: avisobon@gmail.com
Wèpsait: www.extraboneiru.com
Facebook: Extra Boneiru

Direktor
Shirley Martis
785-3824
796-3824

Partner na Aruba
Awe Mainta
Partner na Kòrsou
Extra
Partner na Boneiru
Live99

Layout
Maya Beaumont

Konsehero:
Bòi Antoin
786-6818
Aviso
avisobon@gmail.com

Redakshon
Papi Antoin
Nathaly
Everts-Lipedencia
Velli Gijsbertha
Edson Pietersz
Ibi Piar (deporte)

Kiko ta un Sínodo. 16 pregunta i kontesta pa komprendé e Sínodo di Obispunan

Di dos parti

4. Kua ta e papel di Papa den e Sínodo

E Sínodo di Obispunan ta reuní i ta aktua solamente **a iniciativa di Papa, ora e ta lo konsider' é oportuno**; den práktika, e asambleeanan di e Sínodo ta tuma kada dos óf tres año.

E Sínodo di Obispunan ta i su Sekretaria General Permanente no ta forma parti di e Kuria romano ni ta dependé di dje, sino ku ta eksklusivamente bou di e outoridat di e Papa.

E ta Papa ku ta konvoká e Sínodo, den e lugá i kuantu ki e ta parse oportuno; Papa ta esun ku ta ratifiká e elekshon di e miembrongan ku mester ser elegí segun e norma di e derecho pekuliar, i ta apuntá e sobra di miembongan; **e ta Papa ken ta determiná kua temanan mester trata i establesé e órden di dia.**

Papa ta presidí e Sínodo personalmente óf pa medio di otronan; e ta disidí riba e proposicionnan; i ta ratifiká e deshonnora ora, den determiná kasonan, el a konsedé na e Sínodo poder deliberativo.

Ie tin e poder pa klousur' é, traslad' é, suspend' é óf disolvé. Si despues di konvoká e Sínodo, óf durante su celebras-

hon, e Pontífice ta fayesé óf ta keda impedí, e Sínodo ta keda inmediatamente suspendé te ora un Papa nobo ta disidí pa kontinu' é óf konvoká otro Asamblea.

5. Kiko ta e Sekretario General Permanente di Sínodo

E Sekretario General Permanente di Sínodo di Obispunan ta **un institushon permanente ku ta funshoná como un vínculo entre e Sínodo i e diferente Asambleaan.**

Aktualmente, e sekretario general di e Sínodo ta **kardinal maltés Mario Grech** (den e kargo for di septèmber 2020), i tin dos sup sekretarionan: e agustino spaño **Luis Marín de San Martín** i e religioso frances **Nathalie Becquart**, promé hende muhé den e kargo (ámbos nombrá den febrúari 2021).

E sekretario general ta nombrá pa e Papa pa ehekutá su órdennan i komuniká tur ta relashoná ku e Sínodo. Prepará e desaroyo di kada Asamblea sinodal; manda kartanán di konvokatorio, e órden di dia i e dokumentonan i informashonnan; e komuniká e nòmbernan di e presidente delegado, di e relator

general, di e sekretario especial di e tatanan sinodal; i ta rekohé, ordená i konservá e puntonan di agènda i dokumentonan.

E sekretario general ta asistí pa e **Konseho di e Sekretario General.**

Na final di kada Asamblea General Ordinario ta konsistí di un Konseho Ordinario, konsistí pa 15 miembrongan (12 eligí pa e Sínodo i 3 pa e Papa) ku ta konservá e kargo te ira ta kuminsá un Asamblea General Ordinario nobo.

Di igual manera, na final di kada Asamblea Espesial a forma un Konseho Espesial di e Sekretario General ku ta sòrpa e seguimentu di e konklushonnan reglá.

6. Kua ta un Asamblea sinodal

Asambleeanan ta reunionnan óf enkuentronan di Sínodo. Komunmente, ora nos ta papia di "Sínodo" nos ta refiriendo na "Asamblea sinodal" ("E Sínodo tokante famia", "E Sínodo ta kuminsá den Roma"....).

Normalmente, e Sínodo ta reuní den un **Asamblea General**, pa trata kuestionnan ku ta mira direktamente e bon di Iglesia universal. **E asambleeanan general por ser Ordinario óf Ekstraordinario** (pa kuestionnan ku ta eksigí un solushon rápido). Den práktika, ta realisá kada dos óf tres año, semper en Roma.

A parte, ta eksistí e **Asambleeanan Espesial**, pa problemanan ku ta konserní direktamente un óf vários region determiná. A celebrá dos pa Europa, dos pa Afrika, un pa Amérika, un pa Asia, un pa Oceanía, un pa Hulanda, un pa Líbano, un pa Oriente Medio i un pa Amazonia.

7. Kuantu Asamblea sinodal a ser celebrá

For di 1967 te ku aktualidat, nan a celebrá **un total di 29 Sínodo**, tur den Vatikano, kasi semper entre septèmber i oktober, ku un durashon di entre 3 i 5 siman, ku eksephonnán.

E Asambleeanan Ordinario a ser celebrá mas o ménos kada tres año. Den e dékada di e 90 tabatin lugá mayoria di e Asambleeanan Espesial, so-

lapándose tin baha ku e esnan Ordinario:

- 15 Asamblea General Ordinario: 1967, 1971, 1974, 1977, 1980, 1983, 1987, 1990, 1994, 2001, 2005, 2008, 2012, 2015 i 2018

- 3 Asambleeanan General Ekstraordinario: 1969, 1985 i 2014

- 11 Asambleeanan Espe-

sial: 1980, 1991, 1994, 1995, 1997, 1998 (dos Asambleean), 1999, 2009, 2010 i 2019.

E próksimo Sínodo lo ta e XVI Asamblea General Ordinario, den 2023 i 2024, tokante e tema 'Pa un Iglesia sinodal: komunion, partisipashon i mishon'

Ta sigui otro siman

Hesus ta sintá na man derechi di tata kompartiendo su gloria i mahestat

(Ekségesis)

"e kual, siendo e resplandor di su gloria, i imágen mesun di su sustansia, i ta sostene tur kos ku e palabra di su poder, hasiendo efektuá e purifikashon di nos pikánan pa medio di su mes,
ELA SINTÁ NA MAN DRECHI di la Mahestat den altura."

Hebreonan, -1:3.,

"ELA SINTÁ NA MAN DRECHI"
"é Üééóái i äåié" "ekathisen en dexia"

"Ekathesin" ta nifiká "sinta" "tuma asiento" ora kompañá di "en dexia" e ta un forma enfátiko di mustra di tabata "banda di" di e Tata espesifikamente "ta sintá na su man derechi"

Den Efesonan 1:17-20 e énfasis ta mas ainda mas: "Kathisas en dexia"

"...pa e Dios di nos Señor Hesukristu, e Tata di gloria, por duna boso un spiritu di sabiduria i di revelashon den e konosementu di djE. ku El a ehersé den Kristu, ora ku El a lant'E for di e mortonan, ...i a hasiE SINTA na Su man drechi den e lugánan celestrial,"


"Kathisas en dexia" - "Sintá na su man drechi"

"Kathisas" participio aoristo de "kathizou" ta énfasis na "hasi sinta" ora e ta kompañá di "dexia" ku ta nifiká "derechi", "diestra" ta men na man drechi DIOS A SINTA HESUS NA SU MAN DRECHI, na un lugá di honra i outoridat.

Manera nos ta mira atraves di e teksto original, E Tata a kompartí Su mahestat ku Kristu na poné na Su man drechi den su gloria. E tabata e boluntat di e Tata ku Su Yu banda di DJE , kompartiendo Su gloria i Su mahestat, ta pesei e Tata mes "a mand'E sintá".

Mester rekordá ku propio Hesus a pidi esaki na Tata: "I awor, glorifiká Mi serka Bo mes, Tata, ku e GLORIA KU MI TABATIN SERKA BO promé ku mundu tabata .."-Huan, -17:5,

POR AKASO UN PERSONA TA SINTA BANDA DI DIOS I KOMPARTÍ SU GLORIA I SU MAHESTAT DEN ALTURA SIN SER PARTI DI SER DIVINO?
Ta boluntat di Tata ku Su, ku a kompartí Su mesun naturalesa i gloria, lo sintá banda di djE i lo kompartí Su mahestat.



STATIA/SABA/ST. MAARTEN

Avion nobo di WINAIR a yega Sint Maarten

PHILIPSBURG -- Djamars anochi e avion nobo di WINAIR di tipo ATR, a aterisá na Aeropuerto Prinses Juliana na Sint Maarten.

Pasobra tabata skur ora e avion ku su registrashon PJ-WIV a yega, djasabra mainta a organisé un enkuento pa mustra e avion nobo na un grupo di invitado.

Introdukshon di e avionnan ku tin 50 asiento ta un stap grandi pa WINAIR, ku te awor solamente tabatin avionnan di 19 lugá den su flota.

Ta bai usa e avionnan nobo mas grandi pa biahanan entre Philipsburg i tur tres isla ABC, ku te awor tabata realisá pa avionnan di Air Antilles ku tin su base na Guadeloupe.

Dentro di algun siman ta bai tin un di dos avion di e mesun tipo. Despues ku e di dos avion yega, WINAIR lo amplia su destinashonnan ainda mas ku e avionnan di tipo ATR. Pa otro siman e promé buelo entre Sint Maarten i Boneiru ta tuma lugá ku un parada na Kòrsou.



Representanten di WINAIR ku algun invitado ta admirá e avion nobo.

Proyekto kontròl animal kanando positivo

THE BOTTOM -- E proyekto kontròl di bestia

na Saba ta realisando progreso signifikante den su



mishon pa eliminá bestia ku ta kana lòs riba e isla, prinsipalmente kabritu i na mes momentu promové agrikultura.

E proyekto ku a inisiá na 2020 su meta ta pa eradiká un populashon di aproksimadamentre tres pa sinku mil kabritu, durante un periodo di tres año. Entidad Pùblico Saba ta kompartí e progreso di e proyekto i plannan pa futuro.

Desde implementashon di e proyekto, a eliminá

mas di kuater mil kabritu eksitosamente, ku mas di 2.700 kabritu eliminá dor di yagdónan lokal durante e periodo resien i 1.300 eliminá pa dor yagdónan spesial. E esfuerzo eks-traordinario akí a resultá den un transformashon remarkabel di e vegetashon di e isla, demostrando e impakto positivo di e programa di kontròl di kabritu.

Pa e proyekto ta eksito, mester sigui ku e

kontròl. Esaki lo prevení un populashon nobo di kabritu den futuro. Entidad Pùblico Saba pronto lo intensivá e kontròl riba kabritu. A apuntá un yagdó di Gobièrnu i tres yagdó designá pa e propósito akí.

E tim lo keda aktivo den e tres áreanan designá ku a anunsiá na desèmber 2022. Promé ku kuminsá ku e aktividatnan di yagmentu, ta publiká atver-tensia i indiká e sitionan kaminda ta bai yag.

Instalashon direktiva nobo Saba Lions Club

THE BOTTOM -- Saba Lions Club a tene su anochi di instalashon anual na Eugenius Johnson Center djamars 27 di yuni. Mas di 40 miembro i invitado tabata presente durante e instalashon di un direktiva nobo pa e klup. Presidente saliente, Carolyn Johnson MJF, a gradisí tur miembro pa un otro año memorabel den kua Saba Lions Club a keda premiá ku 'Club Excellence Award', pa e año leonístico 2021-2022.

Presidente entrante, Anton Hermans MJF, a indiká ku tin algun sapatu grandi pa yena, pero e ta konta riba

tur miembro pa kontribuí pa sirbi e komunitat pa e miúdo di nan abilidatnan. Servisio no mester ta grandi, e mester hasi diferensia.

Bernardo Baker pa segundo año a keda eligí como presidente di Saba Leo Unspoiled Queen Club. El a kompartí su ambishonnan pa tin un impakto ainda mas grandi ku promé ku su miembran.

E klup ta kondusí vários proyekto riba tereno di kuido di salú, kuido di grandi, mucha, literatura i edukashon i desaroyo propio. Saba Unspoiled Queen Leo Club ta kurashá hubentut

pa desaroyá kualidatnan di liderazgo kaminda tin mester di yudansa dor di partisipá na aktividatnan di ser-

visio sosial.

Saba Lions Club lo kontinuá pa alkansá e komunitat kaminda tin mester di

yudansa, dor di kontinuá ku e programa kuminda na skol, meskos tambe Saba Doet.



Kastigu di trabou pa froude di tèst na skol

ENSCHEDE – Un èks trahadó di e universitat Saxion na Enschede, a haña un kastigu di trabou

di 200 ora, pasobra el a hòrta i bende tèstnan. Na tur a bende kasi 400 tèst hòrtá. Tres hòmber ku ta-

bata yud'é ku esaki, a haña kastigunan di trabou di 120 i 140 ora.

E èks trahadó no tabata



dosente na e skol, pero tabata traha den e seshon di sosten sentral na e ofisina di tèst. Ei nan el a manipulá ku tèstnan ku ainda no a hasi i a bende esaki nan riba petishon pa 15 te 30 euro na dos persona ku e tempu ei ainda tabata studia na Saxion.

Nan di nan parti a bolbe bende e preguntanan di tèst ku un hòmber di Enschede. Esaki di su parti a bolbe bende e tèstnan pa 120 te 150 euro pa tèst ku studiantenan di e skol, RTV Oost ta skirbi.

E kuater hòmbernan mester paga tambe daño di perhuisio na e skol. E so spechonan a hasi daño na

Saxion i e studiantenan, Hues a bisa. Sí Saxion no por a garantísá e tèstnan mas, esaki lo tabatin konsekuensia grandi pa tantu e studiantenan como èks studiantenan. E kasu di froude a sòru tambe pa un mal imágén pa Saxion.

Saxion a kai riba e froude febrüari aña pasá despues di notifikashon di dos èks studiante. Nan a indiká, ámbos anónimo, ku un trahadó di e ofisina di tèst tabata ofresé e tèstnan na benta. Riba esaki e skol a involukrá un ofisina di reshërshe ku a yega serka e trahadó di e ofisina di tèst. A skòrs e hòmber i despues a retir'é di inmediato.

Limpiesa di kaminda a kuminsá

Tormenta Poly a pèrdè forsa

HULANDA – E tormenta ku desde djamars anochi tabata aktivo riba un gran parti di Hulanda, a pèrdè forsa. Djárason mainta prinsipalmente e parti mas na nort di e pais, ainda tabatin molèster di tormenta Poly. Dor di bientu fuerte, un morto a kai na Haarlem. Na Amsterdam dos persona a resultá heridá.

Anteriormente djárason mèrdia a hala e kódigo kòradaen, e alarma di mas haltu,

pa tur region i entretantu niun kaminda mas e kódigo oranje no ta na vigor. Pa e provinsianan Noord-Holland, Friesland, Groningen i Drenthe, djárason atardi ainda tabata konta e kódigo hel. Tormenta Poly a sigui direkshon Alemania.

“E tabata un tormenta pisá, sigur promé ku zomer,” hòmber di wer di NOS, Peter Kuipers Munneke, ta bisa. A midi forsa di bientu di mas di 140 ki-

lometer pa ora i esakinan ainda tambe tin mas impakto, pasobra e palunan ta kuminsá haña blachi i dor di esaki ta wanta mas bientu.

Morto i herido

Djárason mainta e punto mas fuerte di Poly a pasa riba Noord-Holland, e área di IJsselmeer i Flevoland. Ei nan tabatin e mas daño registrá. Na hopi sitio palunan a kai riba vehíkulo. Na Haarlem un muhé di 51 año

a pèrdè su bida despues ku un palu a kai riba su outo. Ainda a trata na reanimá e muhé, pero sin resultado.

Nèt na frontera na Winterswijk tambe un morto a kai. Un palu a kai riba un muhé den e bario Aleman, Rhede, momentu ku el a sali ku su kachó. El a muri na e sitio debí na su heridan, media Aleman ta informá.

Na Amsterdam dos persona a resultá seriamente heridá, un palu a kai riba un hòmber su outo. E mes por a sali for di e outo, pero a keda transportá for di su konosementu pa hospital.

Riba Hoofdweg a haña un persona kende mester a keda reanimá. Probablemente waya di koriente lo a alkans’é.

Na Haarlem rais di palu a hasi daño na un kas di blòki i tambe hopi otro edifisio den nort di e pais a risibí daño, entre otro kasnan di bich, un boto kombertí den kas i un skol.

Serka e kompania di seguro Interpolis un kantidat grandi di notifikashon a drenta dor di tormenta Poly. Ta trata prinsipalmente di daño na kas.



KÒRSOU

Min. Charles Cooper

A duna inisio na Porta Kurá Bunita

WILLEMSTAD

Resientemente Minister Charles Cooper tabata presente pa duna inisio na e proyekto Porta Kura Bunita. Esaki ta enserá trabounan di konstrukshon di un proyekto mas ku lo nifiká



un desaroyo nobo den e área di Koraal Tabak.

Porta Kurá Bunita

Porta Kura Bunita lo ta un desaroyo duradero di un bario nobo ana Kòrsou, kalminda lo tene debido kue-

nta ku e balornan ekológico i históriko di e área.

E kompleho lo ta un “gated community” consistiendo di 18 bobienda i 48 apartamentu. Huntu kuitur esakinan lo tin tambe, un diversidad di bobienda i posibilidatnan di rekreo. Tambe lo tin un playa nobo,

hotèlnan, un bahia pa piscinadónan, horeca, pakus, kantornan, i vários otro partinan mas di rekreo hasiendo uso optimal di e espasio ku e área ta ofresé.

Ta trata di un invershon di masoménos 35 mion florin, ku lo krea kuponan di trabou. E kompania Cura-

çaose Wegen Maatschappij, CWM, i Studio Acht ta encargá ku e trabounan.

Trabounan lo dura3 pa 4 aña i lo generá den korto plaso alrededor di 100 kupo di trabou. E promé bario ‘porta kurá bunita’ lo wòrdu entregá den fase for di e di 3 kuartal di aña 2024.



Detenshion pa maltrato

WILLEMSTAD

-Djaluna 3 di yuli 2023 alrededor di 01. polis a dirigí un unidat na F.D. Rooseveltweg na altura di un centro nokturno pa un kaso di maltrato.

Kontinuando ku e investigashon polis a komprondé ku un dama tabatin un diskushon ku un hòmber.

Esaki lo a maltrat'ē

ku un bòter na altura su kara.

Na e sitio ariba menshoná polis a detené e hòmber sospechoso, J.G.B.V. di 49 aña di edat nase na Colombia.

A presentá e sospechoso dilanti di un fiskal ouksiliar ku a ordená su enkarselamentu pendiente di mas investigashon.

Aksidente di tráfiko ku morto

WILLEMSTAD

-Djamars 4 di yuli sentral di polis a dirigí un unidat pa Kaya Hose “Papa” Liberi. Motibu di esaki ta pa un aksidente di tráfiko ku a tuma lugá den kua tabatin un siklista gravemente heridá.

Na yegada di e unidat a bin topa un aksidente entre un outo di famia i un baiskel. Ambulans ku a presentá na e sitio no por a hasi nada mas pa e siklista debí na múltiple leshon ku el a risibí.

For di investigashon preliminar a sali na kla

ku shofür di e outo di famia tabata kore riba Kaya Hose “Papa” Liberia den direkshon di Porta Blanku i na dado momentu a dal kontra di un baiskel ku tabata kore su dilanti den e mesun di rekshon.

Na e sitio polis a detené shofür di e outo pa manehá un vehíkulo bou di influensia di alkohòl.

Dòkter di polis ku tambe tabata presente a konstatá morto di e hóben Giomar Raphael Hellemun, nasé na Kòrsou, dia 14 di mart 2008

WILLEMSTAD—Ak-tual parlamentario pa partido MFK, sr. Eduard Braam, tin lus bérde pa bira Minister di Salubridat.

Asina Korte Superior a dikta resientemente. Ta keda den man di partido

MFK si ta laga Braam o-kupá e puesto aki.

For di despues ku sra. Dorothy Pietersz-Janga a entregá su retiro, Kòrsou no tin un minister di salubridat pùbliko.



Braam por postulá pa Min. di Salubridat

Sindicalista Diego de Cuba a ricibi carta di retiro for di aeropuerto

ORANJESTAD -- Gerencia di Aeropuerto International Reina Beatrix, a manda e conocido lider sindical, Diego de Cuba, su carta di retiro como funcionario den servicio di e seccion di seguridad. E carta di retiro a bin algun dia despues cu gerencia di AAA ya caba a manda e sindicalista cas cu suspension pa asina haci un investigacion pa decisionnan cu el a tuma y cu realmente e no ta autorisa pa haci esakinan. Asina cu e violacion di regla a tuma luga dor di Diego de Cuba, gerencia a dicidi di

suspende su persona y na mes momento el a ser prohibi tur entrada pa e edificio y tereno di aeropuerto.

E investigacion no a tuma hopi tempo y a base di resultado di e investigacion aki, a dicidi e siman aki di manda Diego de Cuba su carta di retiro como personal di seguridad den servicio di AAA.

Nos no por a confirma e violacion cometida pa Diego, pero si cu el a tuma un decision cu e ta bon na altura cu e no tin autoridad pa tuma e decision aki. Diego de Cuba sinembargo ta

sigui como Presidente di e sindicato STA cu tambe tin miembronan di e sindicato cu ta den servicio aeropuerto.

Notabel di e caso aki ta e hecho cu diabierna ultimo, Diego den su calidad como Presidente di STA, a reun cu gerencia di aeropuerto caminda a trata e asunto di pensioen di e trahadonan riba cual tin un diferencia di opinion grandi. Miembronan di e sindicato kier bay forma parti di e fondo di pensioen di APFA, pero di parti di gerencia di aeropuerto, esaki no ta acepta-

bel splicando cu e forma di e sistema di APFA, lo no ta cuadra cu e vision y sistema cu directiva di AAA kier mira y hiba den su maneho.

Mesora e sindicato a dirigi varios carta na conseho di Minister, entre otro carta a bay pa Prome Minister Evelyn Wever-Croes, mesun cos pa Minister Glenbert Croes y tambe pa Minister Geoffrey Wever pa informa riba e situacion cu a surgi aki pa mira si por sali for di e conflicto aki.

E presidente di STA pues diabierna a sinta na mesa cu gerencia di AAA pero dial-

una den un proceso di retiro cu no a ni tuma ni un dia, a dicidi di entrega Diego su carta di retiro, loke e no a acepta y mesora a pone e asunto aki den man di abogado pa inicia un proceso contra di gerencia di aeropuerto.

Retiro di e sindicalista sinembargo lo no tin di haber cu su rol como lider sindical di trahadonan pero mas tanto esaki lo ta un decision cu el a tuma durante di su trabou cu ta algo cu no ta permisibel, sigur pa loke ta trata reglanan di seguridad.

Prome Minister a reun cu Van Huffelen

Lo sigui na mesa respetuosamente, buscando un solucion

ORANJESTAD - Diamars mainta, Prome Minister Evelyn Wever-Croes hundo cu Minister Ursell Arends, Minister Geoffrey Wever y Minister Xiomara Maduro, den presencia di conseheronan, a reun cu Secretario di Estado Alexandra van Huffelen. E topiconan di e reunion tabata e refinanciamento di e 916 miyon florin cu Hulanda a financia Aruba den temporada di Covid y pa duna un "update" riba e landspakket.

Prome Minister a indica cu e reunion tabata uno po-

sitivo y cu Aruba tabata tin e oportunidad di trece variros punto dilanti. Mirando cu riba diferente punto excepto uno, Aruba y Hulanda ta riba mesun liña, lo sigui na mesa pa asina por yega na un miho solucion. Pa loke ta refinanciamento di e debe, Hulanda ta di acuerdo pa refinancia. Esaki sigur ta un bon noticia mirando cu si esaki no ta e caso, Aruba lo mester paga e debe aki na October 2023, y no ta dispone di e placa pa paga esaki. Loke si Hulanda kier, ta pa bin condicionnan na mesa cu ta sigura cu Aruba

lo cumpli pa paga e debe aki cabalmente den futuro. E condicionnan aki lo no conta solamente pa e Gobierno di Gabinete Wever-Croes den cual Hulanda tin confiansa, sino e ta conta pa cualquier otro gobierno cu sinta den futuro. Cua gobierno cu bin den futuro lo mester cumpli cu e palabraciionnan haci, di tin finansas saludabel y normanan pa cumpli cu ne. Riba e punto aki Aruba ta ful di acuerdo cu Hulanda pasobra supervision financiero di un pais ta importante y necesario.

Prome Minister a splica cu e unico diferencia di opinion cu tin entre Aruba y Hulanda ta, e manera con lo ehecuta e palabraciionnan cu ta haci. Esaki

ta un topico cu a wordo discuti durante e reunion extensamente. Hulanda su deseo ta pa pone e palabraciionnan aki den e rijkswet, pero Parlamento di Aruba a indica, di no ta di acuerdo cu esaki, y lo prefera un "landsverordening" cu ta un ley local. Mirando cu esaki ta e unico diferencia di opinion, Prome Minister a indica cu como governo responsabel, lo sigui na mesa pa purba yega na e miho alternativa y solucion pa pais Aruba.

Tambe, Prome Minister a trece dilanti cu Corsou y Sint Maarten tabata tin un rijkswet, pero tur dos isla a haya dispensacion di nan debenan, acontrario di Aruba cu no a haya esaki.

Tampoco por bisa cu e ley aki a funciona optimal na Corsou y Sint Maarten, mientras cu si por bisa cu e "landsverordening" a demuestra di ta eficiente den pasado pa pais Aruba.

Den pasado, e gobierno di Gabinete Mike Eman (AVP), a hiba un maneho financiero irresponsabel, pero na momento cu a introduci e Laft, tur esaki a para.

Pa cu esaki por conclui cu el a traha debidamente. Aruba na e momentonan aki ta den crecimiento y desaroyo, y no lo desea di tin un rijkswet pa stroba esaki. Pa e motibo aki, Gobierno lo sigui na mesa cu Hulanda pa asina delibera y purba na yega na e miho solucion pa henter e comunidad di Aruba. Por ultimo tambe a toca e tema di e landspakket, e eheucion di esaki y e retonan cu tin actualmente.

"Por conclui cu e tabata un bon reunion, na unda lo sigui na mesa respetuosamente, buscando un solucion den e miho interes pa e pueblo di Aruba" Prome Minister Evelyn Wever-Croes a expresa.



DEPORTE

Periodo di goso di futbòl

E último simannan e skol di futbòl di PSV a organisá klínika di futbòl pa muchanan di skol na Boneiru. Meta di e klínika akí ta pa duna e muchanan un periodo di goso di futbòl. PSV ta spera ku e muchanan realmente a gosa i a siña hopi di su treinernan.



Preparashon kampionato ranking bola-8 kanando bon

KRALENDIJK-

-Manera ya nos a trese na publisidat, despues ku kampionato nashonal di biliart Bola-9 a finalisé luna pasá, kampionato ku sr. Marvin Abdul a titulá kampion, por siérto e presidente FeBiBo ku ta e federashon di biliart di nos isla, e próksimo kampionato pa Ranking ta tuma lugá di 10 pa 16 di yuli 2023.

Esaki ta trata di un kampionato pa ranking Bola-8.

E preparashonnan ya a kuminsá fo'i luná pasá, preparando pa e próksimo kampionato di bola-8.

E kampionato aki també ta primintí di bira otro tremendo kampionato, mirando e interes ku a lanta formalmente último aki pa e deporte di biliart.

No tin duda ku mui probabel un kandidat “record” di partisipante lo ta

den e kampionato di bola-8 próksimamente.

Tin enorme interes pa e deporte di biliart, loke sin duda ta birando bastante interesante.

Hopi ta esnan ku últimamente a bin ta mustra interes pa e deporte di biliart.

Ta bon pa menshoná, ku sin duda e interes pa e deporte di biliart a lanta formalmente i ta sigui krese tambe, ya ku tin hopi interes di parti hóbennan pa ku e deporte aki.

Nos ta deseá tur e partisipanten den e torneo pa ranking bola-8 e luna aki, tur pero tur klase di éxito.

Esaki e presidente di FeBiBo tambe ku ta Marvin Abdul a trese na publisidat den entrevista ku nos tabatin kuné siman pasá.

Éxito na e hungadónan den e kampionato aki pa Ranking Bola-8.

Flamingo United Girls kampion Kopa Lito

KRALENDIJK--E

tim di futbòl femenino di Niboko bou di coach Alexis Bloem, e tim di Flamingo United Girls, fin di siman pasá a titulá kampion femenino di torneo futbòl Kopa Lito 2023.

Flamingo United Girls ta un tremendo tim ku tin komo kapitan un tremendo hungadó ku ta Tanisha.

E tim aki por bisa ta unu ku ta gana mayoria torneo o

sea kampionato di nos isla.

Matoria torneo o kampionato ku nan partisipá na dje nan ta titulá kampion.

Ku sr. Bloem como coachi Tanisha como kapitan di e ekipo, huntu ku otro hungadónan, ta forma sigur un tremendo ekipo femenino ku otro ekiponan di otro isla tambe tin di tene debido kuenta ku e tim aki.

E tim aki ta primintí di bira sigur un tremendo ekipo pa futuro.

Nos ta spera ku e tim aki manera e ta awe, keda huntu pa sigui desaroyá huntu ku sr. Bloem na kabes como coach i Tanisha como kapitan.

Nos ta deseá e ekipo aki tur pero tur klase di éxito den futuro.

Riba potrènan e ekipo despues di a titulá kampion torneo Kopa Lito 2023 fin di siman pasá.



ladronchi hel

Tur hende ku a yega di para riba un ref den laman no mashá hundu, mester a pasa un sustu ora el a sinti algu morde su tenchinan. Esaki tabata atake di ladronchi hel, ku ta un piská mashá teritorial.

E ta defendé su hardin di lima, kaminda e tin su nèshi i ta depositá su webunan, ku mashá fervor kontra tur intruso, spesialmente kontra piská ku ta kome lima. E ta tribi ataká piská muchu mas grandi kuné i e ta kore asta ku seapel dor di morde punta di nan spiñanan.

ladronchi hel yòn tin koló muchu mas espektakular ku e adultonan (e potrèt na man drechi). Motibu di esaki por ta ku algun di nan ta kue djap di limpiesa. ladronchi hel yòn ta koló hel ku un mancha maron na rais di nan rabu, un mancha ku un ront blou riba nan ala di lomba i un mancha chikitu pretu na base di nan ala di pechu.

**BIDA
DEN
LAMAN**



Backpack
Beach Chair
SPECIAL PRICE
\$89



Smart shopping ▷ Better living

Summer Vibes

30
ANIVERSARIO



3-Burner Gas Grill
\$309



20L Backpack
\$89.95



LG Bluetooth
Party Karaoke Speaker
\$259



Kaya International #36



717.3666



700.6442



CityShopBonaire

fuente/foto:

Dr. Bart A. De Boer